



REPUBLIKA E SHQIPËRISË  
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 12 Maj 2021

Nr: 232

URDHËR  
PËR

MIRATIMIN E RREGULLORES PËR PARANDALIMIN E KONFLIKTIT TË INTERESAVE DHE  
PËR DEKLARIMIN E PASURIVE NË USHTRIMIN E FUNKSIONEVE PUBLIKE NË  
KOMISIONIT QENDROR TË ZGJEDHJEVE

Bazuar në nenin 19, pika 1, germa “n” dhe pika 2, të ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, të ligjit nr.9049, datë 10.04.2003, “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, i ndryshuar, të ligjit nr.9367, datë 07.04.2005, “Për parandalimin e konfliktit të interesave në ushtrimin e funksioneve publike”, i ndryshuar,

URDHËROJ:

1. Miratimin e Rregullores “Për parandalimin e konfliktit të interesave dhe për deklarimin e pasurive në ushtrimin e funksioneve publike në Komisionin Qendror të Zgjedhjeve”, sipas tekstit bashkëlidhur dhe anekseve pjesë përbërëse të saj.
2. Ngarkohen punjonësit e administratës së Komisionit Qendror të Zgjedhjeve, për zbatimin e këtij urdhri.
3. Moszbatimi i kësaj Rregulloreje passjell përgjegjësi disiplinore dhe administrative.
4. Ngarkohet Drejtoria e Përgjithshme Rregullatore dhe e Shërbimeve Mbështetëse për njoftimin dhe publikimin e këtij urdhri, në faqen zyrtare të Komisionit Qendror të Zgjedhjeve.
5. Ky urdhër hyn në fuqi menjëherë.

Komisioneri Shtetëror i Zgjedhjeve

Hirjan CELIBASHI



Data: 12 Maj 2021

Nr: 232  
Prot 518P

“Për miratimin e rregullores për parandalimin e konfliktit të interesave dhe për deklarimin e pasurive në ushtrimin e funksioneve publike në Komisionin Qendror të Zgjedhjeve”



REPUBLIKA E SHQIPËRISË  
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 12 Maj 2021

Nr: 5189/1

**RREGULLORE PËR PARANDALIMIN E KONFLIKTIT TË INTERESAVE NË  
USHTRIMIN E FUNKSIONEVE PUBLIKE SI DHE PËR DEKLARIMIN E PASURIVE,  
TË DETYRIMEVE FINANCIARE, NË KOMISIONIN QENDROR TË ZGJEDHJEVE**

**KREU I  
RREGULLA TË PËRGJITHSHME**

**Neni 1  
Baza ligjore**

Rregullorja “Për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare në Komisionin Qendror të Zgjedhjeve” bazohet në nenin 46, të Ligjit n.9367, datë 07.04.2005, “Për parandalimin e konfliktit të interesave në ushtrimin e funksioneve publike”, i ndryshuar, në Ligjin nr.9049, datë 10.04.2003, “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, i ndryshuar, në ligjin nr.10019, datë 29.12.2008, “Kodi Zgjedhor i Republikës së Shqipërisë”, i ndryshuar, në ligjin nr.152/2013 “Për nëpunësin civil”, i ndryshuar, në Kodin e Procedurave Administrative, në ligjin nr.9887, datë 10.03.2008, “Për mbrojtjen e të dhënave personale”, i ndryshuar, në ligjin nr.9131, datë 8.9.2003, “Për rregullat e etikës në administratën publike”, në ligjin nr.119/2014, “Për të drejtën e informimit”.

**Neni 2  
Qëllimi**

Qëllimi i kësaj rregullore është garantimi i një vendimmarrje të paanshme, transparente, në interesin më të mirë të mundshëm të publikut nga zyrtarët e Komisionit Qendror të Zgjedhjeve.



Data: 12 Maj 2021

Nr: 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

### Neni 3

#### Objekti

Objekti i kësaj rregulloreje është përcaktimi i rregullave, mjeteve, mënyrave, procedurave, përgjegjësive dhe kompetencave për identifikimin, deklarimin, regjistrimin, trajtimin, zgjidhjen dhe marrjen e masave ndëshkuese në rastet e konfliktit të interesave.

### Neni 4

#### Përkufizime

1. **"Zyrtar"**, është çdo person, që kryen detyra dhe ushtron funksione publike në Komisionin Qendror të Zgjedhjeve.
2. Eprorët e zyrtarëve në KQZ, sipas hierarkisë, brenda institucionit të KQZ-së janë: Komisioneri Shtetëror i Zgjedhjeve, Nënkomisioneri Shtetëror i Zgjedhjeve, Sekretari i Përgjithshëm, Drejtor i Kabineti, Këshilltar, Zëdhënës, Drejtori i Drejtorisë së Përgjithshme të Administrimit të Zgjedhjeve, Drejtori i Drejtorisë së Përgjithshme Rregullatore, Ekonomike dhe Shërbimeve Mbështetëse, Drejtor i Drejtorisë së Komisioneve dhe Materialeve Zgjedhore, Drejtor i Drejtorisë së Administrimit të Dhënave dhe Sistemeve IT, Drejtor i Drejtorisë së Komunikimit, Drejtor i Drejtorisë Juridike dhe e Dokumentacionit Zgjedhor, Drejtor i Drejtorisë së Kontrollit Financiar dhe Auditit të Brendshëm, Drejtori i Drejtorisë së Buxhetit dhe Financës dhe Drejtori i Drejtorisë së Burimeve Njerëzore.
3. "Institucion epror", për KQZ-në është Kuvendi i Republikës së Shqipërisë. Roli "epror" ushtrohet në përputhje me ligjet, që rregullojnë organizimin dhe funksionimin e institucionit të pavarur KQZ.
4. "Person i lidhur me një zyrtar të KQZ-së", është çdo person fizik ose juridik, i cili rezulton të ketë pasur ose të ketë lidhje interesi, pasurore ose vetjake jo pasurore, me zyrtarin sipas përcaktimit të pikës II, të nenit 3, të ligjit nr.9367, datë 07.04.2005, i ndryshuar.
5. "Parim i proporcionalitetit", sipas nenit 46, të ligjit 9367, date 07.04.2005, i ndryshuar, është raporti ndërmjet rëndësisë së detyrave, përgjegjësive dhe kompetencave të një zyrtari të KQZ-së me masat për parandalimin e konfliktit të interesave, raport në të cilin sa më të rëndësishme të jenë detyrat, përgjegjësitë dhe/ose kompetencat e tij, aq më të shumta janë kufizimet e interesave vetjake.

### Neni 5

#### Fusha e zbatimit

Rregullorja përcakton norma të detyrueshme për t'u zbatuar nga:

1. Çdo zyrtar i KQZ-së, që ndodhet në pozicione, ka përgjegjësi, kryen detyra ose ushtron kompetenca të llojeve konkrete, të përcaktuara shprehimisht në ligjin nr.9367, datë



Data 12 Maj 2021

Nr. 5189/11

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

07.04.2005, i ndryshuar, dhe në ligjin nr.9049, datë 10.04.2003 i ndryshuar, në metodikën dhe Rregulloren e Brendshme të KQZ-së.

2. Çdo zyrtar i KQZ-së, kur ai merr pjesë në një vendimarrje për akte dhe kontrata administrative.
3. Çdo zyrtar i KQZ-së kur ai merr pjesë në një vendimarrje për kontrata, që krijojnë marrëdhënie juridiko-civile, me palë këto subjekte.
4. Personat e lidhur në masën dhe mënyrën e përcaktuar në ligjin nr.9367, datë 07.04.2005 i ndryshuar dhe në nenin 30 të Kodit të Procedurave Administrative.

#### Neni 6

#### Çastet paraprake të vendimarrjes

Për qëllimet e kësaj rregulloreje:

a) vendimarrje për një akt do të vlerësohet, në çdo rast, çasti i fundit i procesit vendimarrës, gjatë të cilit vendoset përmbajtja përfundimtare e aktit;

b) vendimarrje për një akt do të vlerësohen edhe ato çaste paraprake të vendimarrjes, sipas shkronjës "a" të kësaj pike, të cilat janë thelbësisht të rëndësishme dhe përcaktuese për përmbajtjen përfundimtare të aktit, qe përfshijnë, por nuk janë të kufizuara si më poshtë:

i) hartimin e projektaktit nga zyrtari ose zyrtarët dhe dorëzimin organit apo zyrtarit kompetent për vendimarrje;

ii) dhënien e komenteve, mendimeve, sugjerimeve e çdo kontributi tjetër të dokumentuara, për këtë projektakt nga zyrtarë të tjerë, brenda apo jashtë institucionit;

iii) dhënien e komenteve, mendimeve, sugjerimeve e çdo kontributi tjetër të dokumentuara, nga çdo zyrtar si pasojë e kërkesave, pretendimeve apo informacioneve të subjekteve të interesuara për këtë projektakt;

iv) dhënien e komenteve, mendimeve, sugjerimeve e çdo kontributi tjetër të dokumentuara, të çdo zyrtari me kompetencë për të vendosur përfundimisht për aktin;

v) përfshirjen e çdo dokumenti paraprak, ndërmjetës dhe/ose shoqërues të një vendimarrje për një akt ose kontratë që lidhet kryesisht me organizimin, të ardhurat, shpenzimet, strategjitë, burimet njerëzore, funksionet, detyrat e përgjegjësitë administrative pa praninë e të cilëve nuk do të vendosej dhe mbështetëj përmbajtja përfundimtare e projektaktit ose projektkontratës në tërësinë e tyre;

vi) çdo rast tjetër në përputhje me specifikat konkrete e përkatëse të misionit e të veprimtarisë së KQZ-së.



Data 12 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

## Neni 7

### Kompetenca thelbësore dhe përcaktuese për një akt

1. Një zyrtar i KQZ-së ka kompetencë thelbësore dhe përcaktuese për një akt, nëse pjesëmarrja, ndikimi dhe qëndrimi i tij në vendimmarrjen për këtë akt, sipas nenit 4 të rregullores, përcaktojnë përmbajtjen e aktit.
2. Si kompetencë thelbësore e përcaktuese e një zyrtari për një akt, përfshihet, në secilin nga çastet paraprake të mësipërme të vendimmarrjes, mundësia për të ndikuar mbi vendimmarrjen që buron nga:
  - a) roli zyrtar urdhërues, propozues, këshillues, zbatues ose kontrollues i ushtruar, që rrjedh nga pjesëmarrja, ndikimi dhe qëndrimi në përgatitjen, negocimin, propozimin, këshillimin, miratimin, administrimin, kontrollin ose ekzekutimin e një akti apo kontrate;
  - b) zotërimi i informacionit, që lidhet kryesisht me të dhëna sensitive për subjektet dhe ose ish-subjektet e KQZ-së, të dhëna për tatimet e doganat, kuadrin rregullator, informacione sensitive personale, informacione për organet e hetimit e të ndjekjes, informacione për politikën ekonomike qeveritare dhe administrimin financiar;
  - c) çdo shkak tjetër në përputhje me specifikat konkrete e përkatëse të funksionit e të veprimtarisë së zyrtarëve të KQZ-së:
3. Pavarësisht nga përcaktimet e pikave të mësipërme të kësaj rregulloreje, përbën çast paraprak të vendimmarrjes apo kompetencë thelbësore e përcaktuese për një akt ose kontratë, çdo rast i vlerësuar si i tillë nga Autoriteti Përgjegjës i KQZ-së, i emëruar si i tillë nga Inspektori i Përgjithshëm, si dhe nga zyrtarët-eporë në KQZ.
4. Në secilin prej çasteve të mësipërme, zyrtari, pjesëmarrës në vendimarrje, me kompetencë thelbësore dhe përcaktuese, është i detyruar të deklarojë, në zbatim të pikës 1, të nenit 7 të ligjit nr.9367, datë 07.04.2005 i ndryshuar, nëse ka një interes privat që mund të shkaktojë rënien në konflikt interesi të çfarëdo lloji.
5. Në të njëjtat raste, eprori ose institucioni epror mund t'i kërkojë zyrtarit të deklarojë rast pas rasti interesat private në zbatim të nenit 7, pikës 2, të ligjit nr.9367, datë 07.04.2005, i ndryshuar.
6. Kur vlerësohet se ka rrezik për rënien në konflikt interesi të zyrtarit, veprohet sipas nenit 37 dhe 38 të ligjit nr.9367, datë 07.04.2005, i ndryshuar.

## Neni 8

### Interesat private

1. Interesat private të një zyrtari janë ato interesa që parashikon neni 5 i ligjit nr.9367, datë 07.04.2005 i ndryshuar, e konkretisht:



Data: 12 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

- a) të drejta dhe detyrime pasurore të çdo lloj natyre;
  - b) çdo marrëdhënie tjetër juridiko-civile;
  - c) dhurata, premtime, favore, trajtime preferenciale;
  - ç) negocime të mundshme për punësim në të ardhmen nga ana e zyrtarit gjatë ushtrimit të funksionit apo negocime për çdo lloj forme tjetër marrëdhëniesh me interes privat për zyrtarin, pas lënies së detyrës, të kryer nga ai gjatë ushtrimit të detyrës;
  - d) angazhime në veprimtari private me qëllim fitimi ose çdo lloj veprimtarie, që krijon të ardhura, si dhe angazhime në organizata fitimprurëse dhe jofitimprurëse, sindikata ose organizata profesionale, politike, shtetërore dhe çdo organizatë tjetër;
  - dh) marrëdhënie;
    - i) familjare apo të bashkëjetesës;
    - ii) të komunitetit;
    - iii) etnike;
    - iv) fetare;
    - v) të njohura të miqësisë apo të armiqësisë;
  - e) angazhime të mëparshme, nga të cilat kanë buruar ose burojnë interesa të përmendur në shkronjat e mësipërme të këtij neni.
2. Kufizimet e interesave privatë, të përcaktuara shprehimisht në ligjin nr.9367, datë 07.04.2005 i ndryshuar, zbatohen së bashku me kufizimet e të njëjtit interes privat, të përcaktuara shprehimisht në një ligj tjetër, sipas parimit që zbatohet ai kufizim që është më i rreptë.
  3. Nëse në ligjin nr.9367, datë 07.04.2005 i ndryshuar, në lidhje me një interes të caktuar privat të një zyrtari, nuk është përcaktuar ndonjë kufi sasior i kufizimit të këtij interesi, ndërsa në një ligj tjetër i njëjti interes, me qëllim parandalimin e konfliktit të interesave, kufizohet shprehimisht sipas një kufiri sasior, atëherë ky kufizim zbatohet edhe për kriteret e përcaktuara në ligjin nr. 9367, datë 07.04.2005 i ndryshuar dhe anasjelltas.
  4. Vlerësohet shkak për lindjen e konfliktit të interesit, jo vetëm çdo lloj interesi privat i zyrtarit nga ata të përcaktuar në nenin 5, të ligjit nr.9367/2005, i ndryshuar, por dhe kufizimet e interesave private të përcaktuara në ligjet e veçanta mbi të cilat ushtron veprimtarinë e KQZ-së, si dhe çdo lidhje apo gërshetim ndërmjet dy a më shumë prej tyre, nëse për shkak të këtij interesi ose për shkak të daljes jashtë kufizimeve të detyrueshme të këtij interesi, shfaqet një gjendje me konflikt interesi, sipas përkufizimeve të pikave 1 e 4 të nenit 3, të ligjit nr.9367/2005, i ndryshuar, apo gjendemi para rasteve të papajtueshmërisë së funksionit të parashikuar në ligje të tjera.



Data: 12 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

**KREU II**  
**PROCEDURAT DHE MJETET PËR IDENTIFIKIMIN DHE REGJISTRIMIN E**  
**KONFLIKTEVE RAST PAS RASTI TË INTERESAVE**

**Seksioni 1**

**Identifikimi dhe regjistrimi i interesave në kushtet e konflikteve rast për rast të interesave**

**Neni 9**

**Deklarimi rast për rast i interesave privatë të zyrtarit**

1. Çdo zyrtar i KQZ-së, sipas përcaktimit të këtij termi në pikat 1 e 2 dhe 3 të nenit 4 të kësaj rregulloreje, në ushtrimin e kompetencave apo në kryerjen e detyrave të tij publike, në bazë të njohjes së tij dhe në mirëbesim, detyrohet të bëjë vetdeklarim paraprak, rast për rast të ekzistencës së interesave të tij private, që mund të bëhen shkak për lindjen e konfliktit të interesit.
2. Deklarimi rast për rast i interesave private bëhet çdo herë, nga çdo zyrtar i KQZ-së kur kjo kërkohet nga eprori. (Aneksi nr.2).
3. Deklarimi, si rregull duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi kërkohet dhe bëhet sa më shpejt të jetë e mundur.
4. Vetëdeklarimi ose deklarimi me kërkesë bëhet me shkrim, kur zyrtari ose punonjësi përfshihet në një vendimarrje për një akt dhe/ose për subjekte të deklarimit periodik të interesave private në KQZ-së.
5. Komisioneri Shtetëror i Zgjedhjeve me mbështetjen e Autoritetit përgjegjës dhe në bazë të vetëdeklarimit të zyrtarit të këtij institucioni, si dhe në bazë të të dhënave që ka, merr masat e nevojshme që të shmang emërimin e një zyrtari në pozicione, në të cilat mund të lindin ose ka konflikte interesash.
6. Titullari merr masa që zyrtarit të mos t'i ngarkohen detyra që mund të çojnë në shfaqjen e një konflikti të mundshëm interesash.

**Neni 10**

**Identifikimi i interesave privatë të zyrtarit nga persona të tretë**

1. Ofrimi i informacionit, për interesat privatë të zyrtarit në KQZ, është:
  - a) detyrë e çdo zyrtari që ka dijeni;
  - b) e drejtë e palëve të interesuara dhe e çdo personi, që ka dijeni dhe që ka një interes në përgjithësi e që përputhet me qëllimin e ligjit nr.9367, datë 07.04.2005.
2. Burime të tjera informacioni për interesat privatë të një zyrtari dhe punonjësi të KQZ-së mund të jenë edhe ato burime të parashikuara në nenin 9, të ligjit nr.9367, datë 07.04.2005, i ndryshuar.



Data: 12 Maj 2021  
Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

Neni 11

**Lëshimi i autorizimit nga zyrtari i KQZ-së**

1. Autoriteti përgjegjës në KQZ vë në dispozicion të zyrtarëve të saj modelin e autorizimit, në formë e në përmbajtje, që këta duhet të lëshojnë, brenda afatit 30 ditor nga data e fillimit të marrëdhënieve të punës. (Aneksi nr.1)
2. Autorizimet përkatëse dorëzohen tek Autoriteti përgjegjës i ngritur pranë KQZ-së, në zbatim të nenit 41, të ligjit nr. 9367, datë 07.04.2005, i ndryshuar.

Neni 12

**Autoritetet Përgjegjëse për parandalimin, kontrollin dhe zgjidhjen e gjendjeve të konfliktit të interesave**

1. Autoriteti qendror përgjegjës për zbatimin e ligjit nr.9367, datë 07.04.2005, i ndryshuar, është Inspektorati i Lartë i Deklarimit dhe Kontrollit të Pasurive dhe Konfliktit të Interesave (ILDKPKI).
2. Autoriteti ose strukturat përgjegjëse për zbatimin e këtij ligji sipas hierarkisë në KQZ janë:
  - a) Komisioneri Shtetëror i Zgjedhjeve;
  - b) Nënkomisioneri Shtetëror i Zgjedhjeve;
  - c) Sekretari i Përgjithshëm;
  - ç) Drejtor Kabineti;
  - d) Këshilltar;
  - e) Zëdhënës;
  - ë) Drejtori i Drejtorisë së Përgjithshme të Administrimit të Zgjedhjeve;
  - f) Drejtori i Drejtorisë së Përgjithshme Rregullatore, Ekonomike dhe Shërbimeve Mbështetëse;
  - g) Drejtor i Drejtorisë së Komisioneve dhe Materialeve Zgjedhore;
  - gj) Drejtor i Drejtorisë së Administrimit të të Dhënave dhe Sistemeve IT;
  - i) Drejtori i Drejtorisë së Komunikimit;
  - j) Drejtori i Drejtorisë Juridike dhe e Dokumentacionit Zgjedhor;
  - k) Drejtori i Drejtorisë së Kontrollit Financiar dhe Auditit të Brendshëm;
  - l) Drejtor i Drejtorisë së Buxhetit dhe Financës;
  - m) Drejtor i Drejtorisë së Burimeve Njerëzore.
3. Autoriteti Përgjegjës në KQZ, i cili zbaton detyrat e përcaktuara në ligjin nr.9367, datë 07.04.2005 i ndryshuar, dhe në nenin 13 të kësaj rregulloreje, "Për parandalimin e konfliktit të interesave në ushtrimin e funksioneve publike", ngrihet me urdhër të Komisionerit Shtetëror të Zgjedhjeve.
4. Në përshkrimin e pozicionit të punës, për detyrën e Autoritetit Përgjegjës në KQZ, vendoset si



Data: 2 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve



kriter edhe njohja e ligjeve për deklarimin e pasurive dhe e ligjit për parandalimin e konfliktit të interesit. Për emërimin, lëvizjen apo largimin nga funksioni të Autoritetit Përgjegjës, njoftohet paraprakisht Inspektori i Përgjithshëm i ILDKPKI-së.

### Neni 13

#### Detyrat e Autoritetit Përgjegjës në KQZ

1. Autoriteti përgjegjës i KQZ-së kryen detyrat sipas udhëzimit të Inspektorit të Përgjithshëm të ILDKPKI-së, me nr.1, datë 27.06.2014, "Për krijimin, funksionimin dhe përgjegjësitë e strukturave të autoriteteve përgjegjëse për parandalimin e konfliktit të interesave, në institucionet publike", si dhe çdo detyrë tjetër sipas parashikimeve të ligjeve nr.9367/2005, i ndryshuar dhe nr. 9049/2003, i ndryshuar dhe çdo akti nënligjor të miratuar në zbatim të tyre.
2. Autoriteti përgjegjës i KQZ-së veçanërisht kryen këto detyra:
  - a. mbledh dhe dokumenton interesat private të zyrtarëve të KQZ-së (Aneksi nr.5);
  - b. shpërndan dhe mbledh autorizimet e detyrueshme për t'u lëshuar nga zyrtarët e KQZ-së, sipas nenit 10, të ligjit nr.9367/2005 dhe nenit 11 të kësaj rregulloreje;
  - c. krijon regjistrin përkatës dhe mban regjistrimet rast për rast të konfliktit të interesit (Aneksi nr. 3);
  - ç. bazuar në regjistrimin dhe vlerësimin e interesave private të zyrtarëve të KQZ-së, u sugjeron atyre dhe/ose eprorëve të tyre, çështjet dhe momentet kur zyrtarët dhe/ose eprorët e tyre duhet të tregohen të kujdesshëm për parandalimin;
  - d. konfliktit rast për rast të interesit (faktik, në dukje dhe të mundshëm);
  - dh. konfliktit të vazhdueshëm të interesit (Aneksi nr. 6)
  - e. kryen me autorizim të Komisionerit Shtetëror të Zgjedhjeve, verifikim dhe hetim administrativ lidhur me interesat privat, që mund të bëhen shkak për lindjen e një konflikti interesi, në të gjitha regjistrat publik apo institucione të tjera duke shfrytëzuar të gjitha mundësitë që i jep ligji, dhe informon për këtë eprorin e drejtpërdrejtë deri tek titullari i institucionit;
  - ë) në rast të konstatimit të pavlefshmërisë së një akti/kontratë administrative të institucionit publik, sipas përkufizimit të këtij termi në Kodin e Procedurës Administrative, si pasojë e nxjerrjes së tyre në kushtet e konfliktit të interesave (faktik apo në dukje), Autoriteti përgjegjës në bashkëpunim me strukturën përkatëse në zbatim të ligjit nr 9367, datë 07.04.2005 i ndryshuar, kur gjykon se zyrtari ka vepruar në keqbesim;
  - f) i propozon eprorit/organit kompetent fillimin e procedurave të dënimit disiplinor ndaj zyrtarit, përgjegjës për pavlefshmërinë e aktit;
  - g) propozon të ndërmerren procedurat për kalimin e barrës së dëmshpërblimit te ky zyrtar;



Data: 12 Maj 2021

Nr. 5189/

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

- gj) inicion fillimin e procedurave të ankimit pranë organit gjyqësor, për vendosjen e një shpërblimi në favor të institucionit për dëmin moral të shkaktuar;
- h) përgatit guida, informon, këshillon e trajnon zyrtarët në lidhje me këtë ligj, me të drejtat e detyrimit e tyre dhe me parandalimin sa më të mirë të konfliktit të interesave;
- i) merr masa për të siguruar aksesin dhe informimin e publikut me të dhënat personale të zyrtarëve dhe me dokumentet e tjera zyrtare që lidhen me konfliktin e interesit, duke u bashkërenduar me strukturën përgjegjëse për të drejtën e informimit dhe mbrojtjes së të dhënave personale;
- j) në bashkëpunim me Drejtoritë merr masa për të lehtësuar ankimin administrativ të palëve të interesuara në lidhje me aktet e marra në konflikt interesi, zyrtarëve përgjegjës, si dhe mbështet strukturën përgjegjëse në ndërmarrjen e hapave ligjorë për dëmshpërblimin e palëve të treta të dëmtuara dhe kalimin e barrës së dëmshpërblimit të zyrtarët përgjegjës; orienton, vlerëson, kontrollon apo kryen hetim administrativ në lidhje me konfliktin e interesit të zyrtarëve të KQZ-së, në përputhje me ligjin kuadër, këtë rregullore dhe urdhrat e miratuar nga ILDKPKI-ja;
- k) shtron çështje dhe kërkon këshilla nga ILDKPKI-ja për zbatimin e këtij ligji, si dhe për përmirësime në ligje të tjera kur kjo ka të bëjë me çështjen e konfliktit të interesave; merr masa për të miratuar rregulloret e brendshme;
- l) mbështet zyrtarët e KQZ-së në kryerjen e deklaramit periodik të interesave;
- ll) bën me dije zyrtarët dhe punonjësit e KQZ-së për çdo këshillë apo udhëzim të ILDKPKI-së;
- m) mbështet misionet monitoruese, vlerësuese apo të verifikimit dhe të hetimit administrativ të Këshillit për zyrtarët e këtij institucioni;
- n) ndjek e zbaton detyra të tjera që i ngarkohen sipas kësaj rregullore ose urdhrave të Inspektorit të Lartë të Drejtësisë;
- nj) merr masa për të garantuar informimin e ILDKPKI-së në të gjitha ato raste në të cilat legjislacioni në fuqi apo dhe vendimet e KQZ-së parashikojnë informimin e saj.

Neni 14

#### Administrimi i dokumentacionit nga Autoriteti Përgjegjës

Dokumentacioni i përdorur nga Autoriteti Përgjegjës, në zbatim të ligjit nr.9367, datë 07.04.2005 i ndryshuar dhe në zbatim të kësaj rregulloreje, është dokumentacion zyrtar. Në rast largimi nga detyra, bëhet dorëzimi i gjithë dokumentacionit sipas rregullave të caktuara.

1. Me qëllim administrimin sa më të mirë të dokumentacionit nga Autoriteti Përgjegjës, krijohen dosje të veçanta me përmbajtje si vijon:

a) Dosja nr.1, me titull “Për aktet ligjore e nënligjore”:



Data: 12 Maj 2021

Nr. 5189/11

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

- ligji nr.9049, datë 07.04.2005 i ndryshuar “Për deklarin dhe kontrollin e pasurive, të detyrimeve financiare të të zgjedhurve dhe disa nëpunësve publikë” (i ndryshuar);
- ligji nr.9367, datë 07.04.2005 “Për parandalimin e konfliktit të interesave në ushtrimin e funksioneve publike” (i ndryshuar);
- ligji nr.8485, datë 12.5.1999 “Kodi i Procedurave Administrative”;
- ligji nr.9131, datë 8.9.2003 “Për rregullat e etikës në administratën publike”;
- ligji nr.8503, datë 30.6.1999 “Për të drejtën e informimit për dokumentet zyrtare”;
- ligji nr.8517, datë 22.7.1999 “Për mbrojtjen e të dhënave personale”;
- ligjet organike dhe ligje te tjera te institucionit;
- komentaret Ligjorë të ILDKPKI-së;
- urdhëra dhe udhëzime të ILDKPKI-së, ose të çdo institucioni tjetër të ngarkuar me ligj për këtë qëllim;
- botime të tjera të ILDKPKI-së.

b) Dosja nr.2, me titull “Për identifikimin dhe regjistrimin e konfliktit rast për rast të interesave:

- regjistri i regjistrimit të konfliktit rast për rast të interesave, në formë libri, i sekretuar;
- autorizimet e plotësuara nga zyrtarët për deklarin rast për rast të interesave;
- deklaratat e plotësuara nga zyrtarët për konfliktin rast për rast të interesave;
- informacionet e marra nga publiku, nga media apo nga burime të tjera të ligjshme për konfliktin rast për rast të interesave të zyrtarëve;
- verifikimet e bëra në regjistrat publikë dhe privatë;

c) Dosja nr.3, me titull “Për regjistrimin e deklarimeve periodike të pasurive dhe të interesave të zyrtarëve, që mbartin detyrim për deklarin në ILDKPKI”:

- regjistri themeltar alfabetik nr.1, me emrat dhe funksionet e zyrtarëve që deklarojnë në ILDKPKI;
- kopje të njoftimeve ndaj zyrtarëve për deklarin dhe konfirmimet e tyre;
- kopje të shkresave për deklaratat e dorëzuara në ILDKPKI;
- kopje të formularit për listën e zyrtarëve, që nuk kanë deklaruar në afat dhe shkaqet e mosdeklarimit në afat;
- libri për dorëzimin e deklaratave të pasurisë, ku zyrtari nënshkruan për datën e dorëzimit.

ç) libri i regjistrimit të shkresave të nisura dhe të ardhura nga ILDKPKI-ja.



Data: 12 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarin dhe pasurive, të detyrimeve financiare, në komisionin qendror të zgjedhjeve

## Neni 15

### Regjistri i konflikteve rast për rast të interesave

1. Për regjistrimet e konflikteve rast për rast të interesave të zyrtarëve të KQZ-së, krijohet regjistri me të njëjtin emër. (Aneksi nr.3).
2. Regjistri i konflikteve rast për rast të interesave administrohet nga Autoriteti Përgjegjës në KQZ.

## Neni 16

### Regjistrimet rast për rast të konflikteve të interesit

Autoriteti përgjegjës në KQZ, për çdo rast të shfaqjes së një konflikti rast për rast të interesit, regjistron identitetin e zyrtarit të KQZ-së, interesat privatë të tij, shkak për konflikt interesi, thelbin e konfliktit, palët e interesuara, burimin e të dhënave, mënyrën e marrjes dhe të verifikimit të tyre, si dhe vendimin që është marrë, mbështetur në këto të dhëna, përfshirë edhe vendimet e marra nga eprorët, institucionet eprore ose nga gjykatat.

## Seksioni 2

### Identifikimi dhe regjistrimi periodik i interesave private

## Neni 17

### Zyrtarët që mbartin detyrimin për deklaram periodik të interesave private

1. Deklarimi i interesave private periodike të zyrtarëve të KQZ-së bëhet sipas kërkesave të ligjit nr.9367, datë 07.04.2005 i ndryshuar dhe të ligjit nr.9049, datë 10.04.2003, i ndryshuar.
2. Zyrtarët e KQZ-së, të cilët janë të detyruar të bëjnë deklaram të interesave private periodike janë:
  - Komisioneri Shtetëror i Zgjedhjeve;
  - Nënkomisioneri Shtetëror i Zgjedhjeve;
  - Sekretari i Përgjithshëm;
  - Drejtor kabineti;
  - Këshilltar;
  - Zëdhënës;
  - Drejtori i Drejtorisë së Përgjithshme të Administrimit të Zgjedhjeve;
  - Drejtori i Drejtorisë së Përgjithshme Rregullatore, Ekonomike dhe Shërbimeve Mbështetëse;
  - Drejtor i Drejtorisë së Komisioneve dhe Materialeve Zgjedhore;
  - Drejtor i Drejtorisë së Administrimit të të Dhënave dhe Sistemeve IT;
  - Drejtori Drejtorisë së Komunikimit;
  - Drejtori i Drejtorisë Juridike dhe e Dokumentacionit Zgjedhor;
  - Drejtori i Drejtorisë së Kontrollit Financiar dhe Auditit të Brendshëm;
  - Drejtor i Drejtorisë së Buxhetit dhe Financës;



Data: 2 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklaramin e pasurive, të detyrimeve financiare, në komisionin qendror të zgjedhjeve

- Drejtor i Drejtorisë së Burimeve Njerëzore.
3. Në përputhje me nenet 21 dhe 22, të ligjit nr. 9049/2003, i ndryshuar, mbartin detyrim për deklarim të interesave private periodike bashkëshorti/ja, bashkëjetuesi/ja dhe fëmijët madhorë të zyrtarëve të KQZ-së, të përcaktuar në pikën 2 të këtij neni, edhe kur këta të fundit nuk janë në të njëjtën gjendje familjare me zyrtarin.
  4. Çdo zyrtar i KQZ-së, i përcaktuar në pikën 2 të këtij neni, në rast largimi nga funksioni dhe në rast se nuk është më subjekt i deklarimit të interesave private periodike në KQZ, ose kur kalon në një pozicion që nuk mbart detyrimin për deklarim, është i detyruar, që brenda 15 ditëve nga data e largimit nga funksioni, të plotësojë dokumentin zyrtar “Deklaratë Pas Largimit nga Funksioni”.

#### Neni 18

#### Mbrojtja për dhënien e informacioneve

1. Çdo shtetas, i cili ofron informacion të bazuar për rastet e konfliktit të interesave të padeklaruara nga zyrtarët e KQZ-së, përfiton, mbrojtje të veçantë administrative, si më poshtë:
  - a) Zyrtari i KQZ-së, për të cilin jepet informacion, nuk mund të ushtrojë asnjë kompetencë administrative me efekte ndëshkuese mbi shtetasin informues (qoftë ky dhe subjekt i KQZ-së), dhe as të bëhet pengesë për fitimin e të drejtave të ligjshme nga ky i fundit për shkak të dhënies së informacionit;
  - b) Kur marrja e masës ndaj shtetasit që informon përcaktohet nga një shkak tjetër ligjor, ajo merret vetëm nga një zyrtar tjetër i KQZ-së, që qëndron në marrëdhënie varësie vertikale mbi zyrtarin, për të cilin është dhënë informacioni.
2. Nga parashikimi i pikës 1, germa (b) të këtij neni bën përjashtim rasti kur marrja e masës administrative bëhet në kushtet kur konflikti i vetëm i interesit i pashmangshëm i zyrtarit të KQZ-së është ai në dukje kur plotësohen kushtet e mëposhtme:
  - a) kur zyrtari i KQZ-së, është i pazëvendësueshëm në ushtrimin e funksioneve;
  - b) kur vetëpërjashtimi i zyrtarit është i pamundur, sepse është e pamundur delegimi i kompetencave të tij tek një zyrtar tjetër, për shkak të ligjit apo për shkak të situatës;
  - c) kur vendimet e zyrtarit të KQZ-së, sipas rregullimeve me ligj, nuk i nënshtrohen miratimit, revokimit ose shfuqizimit nga një institucion epror;
  - d) kur nuk është i mundur transferimi a tjetërsimi i interesit privat, për shkak të natyrës së tij (si lidhje familjare, komunitare etj.);
  - e) kur nuk ka kuptim, që për një rast konflikti të tillë, zyrtari i KQZ-së të japë detyrimisht dorëheqjen nga funksioni. Në një rast të tillë, vendimet e këtij zyrtari i nënshtrohen një kontrolli



Data: 12 Maj 2021  
Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

dhe vlerësimi të veçantë nga, eprori i ngarkuar me ligj për të kryer kontrollin e këtyre vendimeve.  
Vendimi dhe rezultatet e kontrollit bëhen kurdoherë publike.

#### Neni 19

### **Kufizimi i interesave privatë për parandalimin e konflikteve të interesave në çështje dhe raste të veçanta**

1. Komisioneri Shtetëror i Zgjedhjeve, Nënkomisioneri Shtetëror i Zgjedhjeve,
  - a) nuk mund të ushtrojë asnjë funksion tjetër publik;
  - b) nuk mund të ushtrojë asnjë veprimtari tjetër fitimprurëse, me përjashtim të mësimdhënies;
  - c) nuk mund të jetë anëtar i partive politike dhe nuk mund të marrë pjesë në veprimtaritë e tyre;
  - d) nuk mund të zotërojë në mënyrë aktive, aksione ose pjesë në kapital të një shoqërie tregtare, të çdo forme.
  - e) nuk mund të jenë drejtues ose anëtarë të organeve drejtuese në organizata fitimprurëse dhe jofitimprurëse, sindikata ose organizata profesionale dhe çdo organizatë tjetër, përjashtuar organizatat politike dhe shtetërore, si dhe në rastet kur një pozicion i tillë diktohet për shkak të funksionit;
  - f) nuk mund të ushtrojnë veprimtari private, që krijon të ardhura në formën e personit fizik tregtar, ortakëri personash fizik tregtarë të çdo forme, si dhe profesione të lira të avokatisë, noterisë, ekspertit të licencuar, si dhe të konsulentit, agjentit a përfaqësuesit të organizatave të përcaktuara në shkronjën "a" të këtij neni;
  - g) nuk mund të jenë të punësuar, me kohë të plotë, në një detyrë tjetër;
  - h) nuk mund të lidhin kontrata ose nënkontrata me asnjë institucion publik nga njëra anë dhe nga ana tjetër shoqërisë/ve tregtare, shoqërisë së thjeshtë a ortakërisë, kur këta zyrtarë zotërojnë aksione ose pjesë në kapital, pavarësisht nga sasia e aksioneve ose pjesëve të kapitalit që zotëron, në mënyrë aktive apo pasive.
  - i) nuk mund të lidhin kontrata ndërmjet një institucioni publik apo çdo institucioni publik tjetër të varësisë, nga njëra anë dhe një individ, personi fizik a juridik, apo ndonjë formë tjetër ortakërie, nga ana tjetër, këta zyrtarë, kanë një interes privat, sipas përcaktimeve të nenit 37 të Kodit të Procedurave Administrative.
2. Zyrtarët e tjerë të përcaktuar në nenin 17, pika 2, të kësaj rregulloreje: (ku cilësohen subjektet deklarues) të kësaj rregulloreje;
  - a) nuk mund të jenë drejtues në organizatat fitimprurëse;
  - b) nuk mund të jenë anëtarë në organet drejtuese të një shoqërie tregtare ose në një organizatë jofitimprurëse, kur këta ushtrojnë veprimtari në një sferë që përputhet ose pritet me sferën e juridiksionit të zyrtarit dhe të kompetencës së tij për të vepruar; me akte të nxjerra nga ai, ose kur



Data: 12 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

zyrtari ka rol thelbësor dhe përcaktues në nxjerrjen e këtyre akteve, me akte të cilat krijojnë pasoja juridike, përfitime ose kosto mbi këto shoqëri a organizata apo mbi shoqëri ose organizata të tjera që bashkëpunojnë ose konkurojnë me shoqërinë në fjalë, përjashtuar rastet kur ky pozicion në shoqëri ose organizatë vjen për shkak të funksionit dhe/ose të statusit;

c) nuk mund të ushtrojnë veprimtari private, që krijojnë të ardhura në formën e personit fizik tregtar; ortakëri personash fizikë tregtarë të çdo forme; profesioneve të lira të avokatisë, noterisë, ekspertit të licencuar, si dhe të konsulentit, agjentit a të përfaqësuesit të organizatave, fitimprurëse, nuk mund të jenë të punësuar me kohë të plotë, në një detyrë tjetër;

ç) mund të zotërojnë në mënyrë aktive, aksione ose pjesë në kapital të një shoqërie tregtare, me përjashtim të rastit kur shoqëria ushtron veprimtari në një sferë që përputhet ose pritet me sferën e juridiksionit të zyrtarit dhe të kompetencës së tij për të vepruar, me akte të nxjerra nga ai, ose kur zyrtari ka rol thelbësor dhe përcaktues në nxjerrjen e këtyre akteve, të cilat krijojnë pasoja juridike përfitime ose kosto mbi këto shoqëri apo mbi shoqëri të tjera, që bashkëpunojnë ose konkurojnë me shoqërinë në fjalë, rast në të cilin zyrtari mund të zotërojë aksione ose pjesë në kapital vetëm, në përputhje me kushtet e përcaktuara në shkronjën “c” të nenit 27 të këtij ligji.

3. Pavarësisht përcaktimeve të mësipërme, ndalohet lidhja e kontratave ndërmjet KQZ-së, nga njëra anë dhe një individ, personi fizik a juridik, apo ndonjë formë tjetër ortakërie, nga ana tjetër, kur plotësohen, njëkohësisht, kushtet e mëposhtme:

a) zyrtari i KQZ ka kompetencë thelbësore dhe përcaktuese në vendimmarrjen e procesit të vlerësimit të ofruesve dhe të ofertave apo në përcaktimin e termave të kontratës;

b) ky zyrtar ka një interes privat, sipas përcaktimeve të nenit 37 të Kodit të Procedurave Administrative.

4. Anëtarët e Komisionit Rregullator u nënshtrohen dispozitave të legjislacionit në fuqi për konfliktin e interesave sipas përcaktimit të nenit 15 pika 4 të ligjit nr.10019, datë 29.12.2008, “Kodi Zgjedhor i Republikës së Shqipërisë”, i ndryshuar.

5. Anëtarët e Komisionit të Ankimimeve dhe Sanksioneve (KAS) u nënshtrohen dispozitave të legjislacionit në fuqi për konfliktin e interesave sipas përcaktimit të nenit 16, pika 7, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, i ndryshuar.

Kufizimet e interesave privatë, të përcaktuara shprehimisht në ligjin nr.9367, datë 07.04.2005 i ndryshuar, zbatohen së bashku me kufizimet e të njëjtit interes privat, të përcaktuara shprehimisht në një ligj tjetër, sipas parimit që zbatohet ai kufizim që është më i rreptë.

6. Për zyrtarët e tjerë, të patrajtuar në kreun III, seksioni 2, të ligjit nr.9367/2005, i ndryshuar zbatohen kufizime të përcaktuara në ligje të veçanta për të njëjtin qëllim. Kur me ligj përcaktohet se këta zyrtarë nuk mund të kryejnë asnjë veprimtari private, kjo kupton edhe ndalimin e zotërimit në mënyrë aktive



Data: 2 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

të aksioneve ose pjesëve në kapital në shoqëritë tregtare në ato kushte për të cilat ndalohet veprimtaria private.

#### Neni 20

#### Ndalimi i marrjes së dhuratave, favoreve, premtimeve ose trajtimeve preferenciale

1. Është e ndaluar që një zyrtar në KQZ të kërkojë, të pranojë ose të marrë, në mënyrë të drejtpërdrejtë a të tërthortë, për veten, për familjen, të afërmit, dhurata, favore, premtime ose trajtime preferenciale, të cilat i jepen për shkak të pozicionit të tij në KQZ, nga një individ, person fizik ose juridik privat, nga subjekte të deklarimit të interesave private periodike në KQZ, kur kjo mund të shkaktojë lindjen e një konflikti interesi të çdo lloji, ose që ndikon ose duket sikur ndikon në paanshmërinë e kryerjes së detyrës a është ose duket sikur është shpërblim për mënyrën e kryerjes së detyrës zyrtare.
  - a) “Dhurata”, sipas kësaj rregulloreje ka të njëjtin kuptim të përcaktuar në ligjin nr.9367, datë 07.04.2005, i ndryshuar dhe në VKM-në nr.714, datë 22.10.2004;
  - b) Nuk konsiderohen si dhurata, në kuptim të këtij neni, dhuratat, të cilat i ofrohen zyrtarit si pasojë e lidhjeve faqefisnore apo njohjeve personale që ai ka me dhuruesit, si edhe në rastin kur është e qartë se dhurata nuk ka asnjë lidhje me pozicionin dhe cilësinë si nëpunës i administratës publike, të personit, që merr dhuratën.
2. Zyrtari nuk duhet që, në mënyrë të drejtpërdrejtë ose të tërthortë, të japë dhurata ose të ndërmjetësojë për të dhënë dhurata për një zyrtar të një niveli më të lartë apo të afërm të tij dhe as të kërkojë ose të pranojë dhurata nga zyrtarë të një niveli më të ulët ose të afërm të tij, për shkak të cilësive dhe raporteve zyrtare.
3. Rregullat e mësipërme nuk zbatohen në rastin e ftesave të zakonshme apo kur janë të ftuar punonjës ose kolegë të tjerë, të mikpritjes tradicionale, dhuratave me vlerë simbolike apo tradicionale dhe të mirësjelljes, brenda kufijve normalë të traditës, zakoneve dhe praktikës së përditshme, të cilat nuk krijojnë dyshime për paanshinë e nëpunësit.
4. Pranimi dhe vlerësimi i dhuratave bëhet sipas rregullave të përcaktuara në nenin 23, të ligjit nr.9367, datë 07.04.2005 i ndryshuar dhe në vendimin nr.714, datë 22.10.2004, të Këshillit të Ministrave.
5. Në asnjë rast zyrtari i KQZ-së nuk duhet të pranojë dhurata në vlerë monetare.
6. Përfshihen vetëm rastet e përcaktuara me akte të organeve kompetente, të cilat lejojnë pranimin e dhuratave apo trajtimeve preferenciale për arsye protokollare.



Data: 12 Maj 2021

Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve



## Neni 21

### Prania dhe kufizimi i interesave privatë të personave të lidhur me zyrtarin

1. Person i lidhur me zyrtarin e KQZ-së, për kufizimet e interesave privatë të zyrtarëve, të përcaktuar në nenet 17 e 19 të kësaj rregulloreje janë përkatësisht:
  - a) bashkëshorti/ja, fëmijët në moshë madhore, prindërit e zyrtarit e të bashkëshortit/es;
  - b) çdo person fizik ose juridik, i cili, në lidhje me dhuratën, favorin, premtimin ose trajtimin preferencial, luan rolin e ndërmjetësit a të shkëmbyesit të interesave të lindur nga ky veprim.
2. Ndalimet dhe kufizimet për zyrtarin e KQZ-së, të përcaktuara në nenin 19, të kësaj rregulloreje, zbatohen edhe për personat e lidhur me të, në përputhje me pikën 1 të këtij neni.
3. Për sa u përket kufijve të zotërimit të aksioneve ose të pjesëve në kapital, për zyrtarin e KQZ-së dhe personin e lidhur me të, zbatohen drejtpërdrejtë parashikimet e nenit 24, pikat 4 e 5 dhe nenit 35, të ligjit nr.9367/2005, i ndryshuar.

## Neni 22

### Mënyrat e trajtimit dhe të zgjidhjes së konfliktit të interesave

Mënyrat e trajtimit dhe të zgjidhjes së konfliktit të interesave për zyrtarët/punonjësit e KQZ-së bëhen sipas kreut IV, të ligjit nr.9367, datë 07.04.2005, i ndryshuar.

## Neni 23

### Ndalimi i shpërdorimit të së drejtës

1. Asnjëra nga dispozitat e kësaj rregulloreje nuk mund të interpretohet sikur i jep zyrtarëve të KQZ-së, të drejta që të ndërmarrin ndonjë veprimtari ose të kryejnë ndonjë akt që synon cënimin e parashikimeve dhe rregullave të përcaktuara në ligjin nr.9367, datë 07.04.2005, i ndryshuar dhe në këtë rregullore.
2. Në mungesë të parashikimeve të veçanta në këtë rregullore, zbatohen drejtpërdrejtë dispozitat e përcaktuara në ligjin nr.9367, datë 07.04.2005 i ndryshuar, ligjin nr.10019, datë 29.12.2008 “Kodi Zgjedhor i Republikës së Shqipërisë”, i ndryshuar, në ligjin nr.152/2013, “Për nëpunësin civil”, i ndryshuar.
3. Për zbatimin e kësaj rregulloreje, ngarkohen zyrtarët, strukturat përgjegjëse dhe Autoriteti përgjegjës i KQZ-së, të cilët i përmbahen formatit të miratuar me anekset 1-12 që përbëjnë pjesë integrale dhe të pashkëputur të kësaj rregulloreje.



Data 12 Maj 2021  
Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve

Neni 24  
**Sanksionet**

Çdo shkelje e detyrimeve të përcaktuara në ligjin nr.9367 dhe në këtë rregullore, kur nuk përbën veprë penale, përbën kundravajtje administrative dhe shkelje disiplinore dënohet me gjobë sipas kufinjve të përcaktuar në nenin 44, të ligjit nr.9367, datë 07.04.2005, i ndryshuar.


Masat disiplinore zbatohen në përputhje me ligjet, që rregullojnë marrëdhëniet e punës dhe/ose statusin e zyrtarëve dhe kësaj rregulloreje.

Neni 25  
**Hyrja në fuqi**

1. Kjo rregullore hyn në fuqi menjëherë me miratimin e saj.
2. Kjo rregullore, menjëherë me miratimin e saj, publikohet në faqen zyrtare të internetit të Komisionit Qendror të Zgjedhjeve.

Komisioneri Shtetëror i Zgjedhjeve

**Ilirjan CELIBASHI**



Data 12 Maj 2021  
Nr. 5189/1

Rregullore për parandalimin e konfliktit të interesave në ushtrimin e funksioneve publike si dhe për deklarimin e pasurive, të detyrimeve financiare, në komisionin qendror të zgjedhjeve